



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina
Evangelica De Meditatione mortis**

Kispenning, Henricus

Antverpiæ, 1583

Consolatio ex Baptismi Sacramento. vi.

[urn:nbn:de:hbz:466:1-46214](#)

CONSOLATIO EX BAPTISMI

SACRAMENTO.

Quanta sit Baptismi gratia, per quam originis sor-
dibus abluti, Deo reconciliati sumus: & Christo
Iesu insiti, ac per eum in filios adoptati Regni
hereditatem expectamus. lapsi denique, sed verè
& ex animo pœnitentes, vi fœderis à Deo no-
biscum paeti, in gratiam denuò recipimus.

V Alde consolatur agrotum BAPTISMI gratia, si CAP. VI.

recte expendatur. Etenim prior natiuitas illa no-
stra ex carne & sanguine Adæ patris nostri originem
habet: unde & eius peccatum nos quoq. premit, stipen-
dium habens mortem, sicut scriptum est: Per unum ho-
minem peccatum in hunc mundum intravit, & per
peccatum mors: & ita in omnes mors pertransit, in
quo omnes peccauerunt. Sed addit Apostolus: Non
sicut delictum, ita & donum. Si enim unus delicto mul-
timortui sunt: multò magis gratia Dei & donum, in
gratia unius hominis Iesu Christi in plures abunda-
uit. Itaque Iesu Christi gratia, denuò ex aqua &
Spiritu sancto renati, & abolitis omnibus prioris Na-
tuitatis vitiis & maculis, mundati sumus: sicq; cum
Deo, in Christo Iesu, reconciliati.

1. Corinth. v 1. Et hec quidem fuisti: (videlicet,
maximi peccatores) sed abluti estis, sed sanctificati
estis, sed iustificati estis in nomine Domini nostri Iesu
Christi, & in Spiritu Dei nostri.

Ephes. v. Christus dilexit ecclesiam, & seipsum tra-
didi pro ea: ut illam sanctificaret, mundans eam lava-
re aqua in verbo vita, &c.

1. Petri i 11. Quod & vos nunc similis forma sal-
us facit Baptisma: non carnis depositio sordium, sed
consciencia bona interrogatio in Deum per resurrectionem
Iesu

356 CONSOLATIO EX SACRAM. BAPTISM.

Iesu Christi, qui est in dextera Dei, deglutiens mortem, ut vita aeterna heredes efficeremur. BAPTISMVM appellat Apostolus Ablutionem, non sordium corporis, sed animi, qua conscientia pacata ac tuta coram Deo, bene respondens apud Deum: nimirum iam sentiens acceptum Spiritum adoptionis & renouationis se habere Deum placatum, ac piuum patrem.

Romanorum v. Reconciliati sumus Deo, per misericordiam Filii eius.

11. Corinth. v. Qui nos reconcilianit sibi per Christum: & dedit ministerium reconciliationis, quoniam quidem Deus erat in Christo mundum reconcilians, non reputans illis delicta ipsorum.

Coloss. i. In ipso complacuit, omnem plenitudinem inhabitare: & per eum reconciliare omnia in ipsum pacificans per sanguinem crucis eius, sine qua in terris, siue quae in celis sunt.

Nec solum in remissionem peccatorum, in nomine Domini Iesu Christi baptizati sumus, sicut Deo reconciliati, sed & eidem, tanquam capiti nostro infisi, ac planè corporati sumus: atque ita omnium meritorum eius & beneficiorum participes effecti, in filios Dei, & aeterna vita hereditatem adoptati sumus.

Galat. iii. Quicunque in Christo baptizati sunt, Christum induistis. Omnes filii Dei estis per fidem, quae est in Christo Iesu.

1. Ioan. iii. Videte qualis charitatem dedit nobis Deus, ut filii Dei nominemur & simus.

Roman. viii. Si autem filii, & heredes: heredi quidem Dei, cohæredes autem Christi.

Itaque qui iuxta carnalem nativitatem eramus filii hominis terrestris, nunc per hanc salutiferam regenerationem filii Dei excelsi facti, tanquam in pientissima patria

pris protectionem, ut filii charissimi suscipimus: &
alii Regni hereditatem, quodam adoptionis iure non
uniter expectamus. Addidit caelstis Pater pignus Ephes. 1.
hereditatis nostra Spiritum s. diffusum in cordibus no-
stris, qui fiduciam hanc nostram augeat: ut in quantis-
unque pauroibus, non aliter atque filii a patre indul-
gentissimo, omnia nobis bona speremus: ac de hereditate
filiorum quandam obsignationem habeamus. Ephes. 1. &c 4

Roman. viii. 11. Non accepistis spiritum seruituris
iterum in timore: sed accepistis spiritum adoptionis filio-
rum, in quo clamamus: Abba, Pater. Ipse enim Spiritus
testimonium reddit spiritui nostro, quod sumus filii Dei.

Galat. i. 11. Quoniam autem estis filii Dei: misit
Deus Spiritum filii sui in corda vestra clamantem: Ab-
ba, Pater. Itaque iam non est seruus, sed filius. Quod si
filii: & haeres per Deum.

Tit. iii. Secundum suam misericordiam saluos nos
fecit per lanacrum Regenerationis & Renovationis
Spiritum sancti, quem effudit in nos abunde per Iesum
Christum Salvatorem nostrum: ut iustificati gratia ipsius,
heredes simus secundum spem vitae eternae.

Sed Baptizati, proclinati sumus tamen ad peccan-
dam: & sepe contingit nos quamlibet cautos praoccupa-
t aliquo delicto, sicut scriptum est: Non est homo iustus 3. Reg. 8.
in terra, qui faciat bonum, & non peccet. Itē: Quis po- Eccl. 7.
nit dicere, mundum est cor meū, purus sum a peccato?
Ob id Salvator noster ad Petrum dixit: Qui lotus est, Proverb. 20.
non indiget nisi vt pedes lauet. designans carnis nostrae
affinitatem: que facit, vt septies in die etiam cadat iu-
ncta & resurgat. Huic quoque malo subuenire dignatus
est clementissimus Dominus. Nam Spiritum sanctum, vt
dicitur est, cordibus nostris infundit: qui non solum vnu-
stite peccatorum abolita, in noua vita hominem regenerat,

Z 3 sed &

358 CONSOLATIO EX SACRAM. BAPTISM.

sed & contra obrepentia peccata sue gratiae opem addi-
bet: & si per imbecillitatem carnis homo nihilominus
non omnes lapsus vitauerit post Baptismum, propitiam
indulgentiam pollicetur, ex vi foederis nobiscum patit.
Nouum quippe foedus inuit Deus cum filiis Ecclesia
sue: cuius formula hæc est: Hoc erit PACTVM quod f-
riam cum domo Israël post dies illos, dicit Dominus:
Dabo legem meam in visceribus eorum, & in cordau-
rum scribā eam: & ero eis in Deum, & ipsi erunt mihi
in populum, &c. Et sequitur: QVIA PROPICIA-
BOR INIQVITATI EORVM, ET PECCATI
EORVM IAM NON MEMORABOR AMPLIVS.

Ad hoc foedus vel pactum non recipitur quis-
quam, nisi per Baptismum, quo S. Ecclesia, qua
est corpus Christi, cuique hæc Constitutio solum fa-
cta est, inserimur. Ideo Apostolus Paulus dicit: In uno
spiritu omnes nos in unum corpus baptizati sumus: sed
Iudei siue gentiles. Cum igitur peccata nos premunt, su-
pra modum iucunda est prioris Lauacri, & cum Du-
Reconciliationis, recordatio: atque non illius fadat
Constitutio & Stipulatio, diuina viisque gratia & fa-
uoris Testimonium luculentissimum: iuxta quam varii
penitentes, cum fiducia ad Deum clamare, ac certos
exaudiri, atque in gratiam recipi: insuper in omnium
bonorum ius nobis in Baptismo acquisitum, ac perpetu-
catum veluti amissum, per Penitentiam iterum Dei
gratia restitui: statuere possumus, ac firmiter credere.
Verax est enim qui promisit: & ut falli à nemini, ita
quoque neminem fallere potest. De hoc foedere sunt &
hac S. Scriptura loca.

Ierem. xxxii. Et feriam eis pactum sempiternum:
& non desinam eis benefacere: & timorem meum dabo
in corda eorum, ut non recedant a me. Et latabor super
eis, cum bene eis fecero. Ierem.

Terem. 31.
Heb. 8.

¶. Cor. 12.

larem. I. In Sion interrogabunt viam, huc facies eorum: venient & apponentur ad Dominum fædere semperno: quod nulla oblinione delebitur.

Baruch 11. Statuam illis Testamentum alterum sempiternum, ut sim illis in Deum, & ipsi erunt mihi in populum.

Ezechiel. x v 1. Recordabor ego pacti mei tecum in diebus adolescentiae tuæ: & suscitabo tibi pactum sempiternum. Et recordaberis viarum tuarum, &c.

Cum ergo ad nos huius noni fœderis decretum pertinet: quid potest nobis misericors peccatoribus magis esse consolati, quam hoc Baptismi gratia? Hæc efficit, ut nulla sit desperandi causa: sed fortiter quidem peccato repugnemus, præoccupati autem quopiam delicto, lena- Thren. 3 re audeamus corda nostra cum manibus ad Dominum in celos: cum Davide dicentes, Memor esto verbi tui Psal. 118. seruo tuo, in quo mihi spem dedisti. Hec me consolata est in humilitate mea: quia eloquu[m] tuum vivificauit me. Deprecatus sum faciem tuam in toto corde meo: misere- re mei, secundum eloquium tuum. Ideo idem Prophetæ dixit: Sublinuit anima mea in verbo eius, sperauit anima mea in Domino. Omnia autem hæc diuina Beneficia ex S. Baptismo nobis profuentia, Christus unica hac sententia complexus est: Qui crediderit & bapti- Mar. 16: zatus fuerit, saluus erit. qui vero non crediderit: con- demnabitur.

CONSOLATIO EX POENITENTIAE S.

Quod Deus nolens perire quos condidit, post Baptismum etiam labentes, non cessat reuocare ad veniam: & spem æternæ Vitæ per Pœnitentiæ medicinam restituit. Et qualis pœnitentis animus esse debeat.

Z 4

Mili-